

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第一九五號


據

清康熙五十年修，清光緒八年重刊本
楊廷望纂修

影印

浙江省

衢州府志



成文出版社有限公司印行

中國方志叢書·華中地方·第一九五號

據

清康熙五十年修，清光緒八年重刊本
楊廷望纂修

影印

浙江省

衢州府志

(二)

成文出版社有限公司印行



10101522

中國方志叢書·華中地方·第一九五號

據

清康熙五十年修，清光緒八年重刊本
楊廷望纂修

影印

浙江省

衢州府志



54-101/5

成文出版社有限公司印行



10101521

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第一九五號

據

清康熙五十年修，清光緒八年重刊本
楊廷望纂修

影印

浙江省

衢州府志

(四)

sk90/12

成文出版社有限公司印行



10101520

中國方志叢書·華中地方·第一九五號


據

清·楊廷望纂修
康熙五十年修，清光緒八年重刊本

影印

浙江省

衢州府志



成文出版社有限公司印行



10101519

中國方志叢書·華中地方·第一九五號

據

清·楊廷望纂修
清康熙五十年修，清光緒八年重刊本

影印

浙江省

衢州府志

(六)

成文出版社有限公司印行

sk 90/10



10101518

中國方志叢書·華中地方·第一九五號

據

清康熙五十年修·楊廷望纂修
清光緒八年重刊本

影印

浙江省

衢州府志

(七)

成文出版社有限公司印行

56075



10101517

光緒壬午春重鑄

鄧州府志

府署藏板

重刊衢州府志序

唐宰相李吉甫撰元和郡縣志其進書表曰古今言地理者凡數十家尙古遠者或搜古而略今採謠俗者或傳疑而失實飾州邦而叙人物因邱墓而徵鬼神流於異端莫切根要至於邱壤山川攻守利害本於地理者皆略而不書將何以佐明王扼天下之吭制羣生之命收地保勢勝之利示形束壤制之端此微臣之所以研精聖后之所宜周覽也由此論之地志之作難言之矣三衢踞東浙之上游控鄱陽之肘

腋扼甌閩之咽喉連宣歙之聲勢東南有事在所必
爭辛壬年閒粵匪竄浙州郡盡陷唯衢城屹然獨存
湘鄉左靖慈侯由此進兵勢如破竹雖運籌之善亦
半由得地利也官此土者苟有意於此則必流覽舊
志衢州自前明葉大叅纂志後百二十餘年無作者
至康熙辛卯郡守楊君始修其書今又重經兵燹書
缺有閒矣去年秋予銜

命來巡是邦下車以後默覽山川隘塞備稽輿地沿革隱
然有修志之心而未及言焉今郡守安陸劉君以所

重刊楊志問序於予予取而覽之見其辨疆界圖山川考因革論要害計道路險易遠近瞭若指掌李吉甫所謂扼天下之吭制羣生之命收地保勢勝之利示形束壤制之端者意在斯乎其他各類皆根據切實詳簡得宜較諸搜古略今傳疑失實飾州邦而敘人物因邱墓而徵鬼神者亦有間矣洵地志之善本也雖然自康熙至今又歷百數十年矣此百數十年中山塞有昔險而今平昔衝而今僻者水流有昔通而今湮昔長而今促者以及土田之變遷學校之興

廢制度之增損與夫粵匪之難官師士女有捐軀授命而不惜者皆當詳考遐搜補輯而類誌之劉君博學負經濟才他日必有成書以備此邦之掌故予拭目俟之

光緒八年太歲在元黓敦牂孟夏之月二品廢生花翎三品銜分巡浙江金衢嚴道兼管水利事務聯綬
撰


重刊衢州府志序

夫物將缺而彌則易全緒將殘而延則莫墜推之典籍之舉廢何莫不然庚辰冬余由閩汀移調來衢衢爲東浙上游郡屬隸五邑地當數省孔道南接建甯北鄰黟歙西連饒信東近金華徑輪廣袤極千里而遙惴惴焉以不克稱職爲虞下車伊始徵文考獻詢及郡志則自大叅葉公纂修百二十餘年後康熙辛卯復經楊競如前輩重修今又百有數十年矣無有繼焉者存板僅十之一二再三查訪獲舊本二三部互相展閱字畫半多漫漶頁數亦多殘缺

竊以修志猶修史史有三長才學識無偏廢居今稽古蒐求討論秉筆之餘出以碩見持以至論非此不免魏收之譏志乘所傳夫豈易易前之人或剋或因著有成書不知費幾經營久之方策剝蝕又散佚於風霜兵燹而零金碎玉遺帙猶有存者抱殘守缺補帷塞漏校讐彙刊之役守土者復何敢辭爰於公餘暇重加攷据並集寮友數人交相對勘或借證於他書或意會而訢合至無可借證無可意會則闕疑莫敢臆斷卷凡四十類六十有奇籌款重刊五閱月既葺其事刷印一觀哀然新編當日楊公初成時

夫何異是顧天時物理更迭日殊土俗民風積久日異計
自康熙辛卯至今多歷年所其間節孝之可風忠義之可
欽人物冠裳之可美豈伊之人兼以咸豐同治間逆匪擾
境雖郡城無恙而屬邑致陷鄉閭蹂躪所有殉難捐軀待
採訪而備紀載異日增修補入守土之責固不容已而衆
擎易舉不能不厚望於郡人士今茲之役亦聊幸構室之
有基云爾

光緒八年歲在壬午仲春之月在任儘先補用道知衢州
府事前京畿道監察御史劉國光撰



docsriver 文川网
入驻商家 古籍书城

在文川网搜索古籍书城 获取更多电子书

原序

今之志乘古之外史也王者欲周知四方之得失因
以外史掌之俾有所記以徵治忽故其職與小史掌
邦國之志者等而未始分軒輊也迨東漢設郡邑之
志而外史缺焉然其志山川土田與民風吏治則亦
猶外史之遺而獻之王朝以備採擇而議興除甚鉅
典也猶憶戊辰己巳間我

皇上詔修統志徧徵十五國之輿書凡此海隅日出之邦
罔不編次鱗集而衢郡無聞蓋衢當閩粵之衝又值

兵燹之餘土瘠而民罷官其地者執掌風塵馳驅王
事一艱於珥筆之無人再艱於燕閑之無暇故自有
西邑大叅葉公增修後厯百二十餘年未有議及此
者職是故也然亡者勿補絕者勿續更數十年而湮
沒殆盡其將奚所取證安所折衷也哉及其後而議
創舉者未必不追咎於今日也丙戌歲予來守是邦
搆其殘編多所缺畧慨然有續輯之思而冗次未逮
越明年丁亥政稍就理乃集衢之紳士次第叅酌微
顯闡幽倣史遷遺意有紀有傳有表有志有圖凡爲

書如千卷其於舊志少有增損要之闕疑傳信校訛
訂謬期於盡善自沿革建制官師人物賦役水利以
至農桑物產文藝凡以類越己丑春告竣乃捐俸庀
材付之剞劂而遽有解組之命余固深幸歸田之有
日而轉恨此書之未終也今幸三韓

馬公蒞止長才宿學美政良猷留心地方與余有同
志焉兼之諸君子委曲贊勳今年秋聿觀厥成而余
心可以欣然自慰矣吾因之有感焉凡服官郡邑必
以民之利弊爲先務乃欲知利弊而不求利弊之源


則興除不可得而施也志乘者利弊之源也今既成
矣而後之官斯土者覽山川之勝則知輿地之險要
觀賦役之條則知土田之肥瘠景賢俊之挺生則知
典型之有在考學校風俗之說則知士習民風之滄
漓而師師者因而爲之損益因而爲之調劑因而爲
之潤色則斯志也詎非衢郡政治之攸係者哉當今
聖天子惠愛元元凡有關國計民生者皆莫不殫精圖治
况志乘一書所繫綦重而顧可勿亟亟乎余故不憚
搜討校讐以重新之卽今解組歸田而此心惓惓固

未有艾也異日者

馬公奏績

彤廷持是書以獻而備採擇焉則凡山川土田吏治民風
燦若列眉安知不與古之外史以徵治忽而議興除
者同功也哉余雖不文聊述數言弁其篇首如此時
康熙歲在辛卯秋八月上浣之吉

誥授中憲大夫知浙江衢州府事加一級毘陵楊廷望撰



原序

自來疆索之遠無過今日

聖天子神聖慈仁不待考圖數貢而睿思廣濶常周浹於寰宇之內卽今職方所掌一統有志皇輿有考又敕史氏裒採天下水陸道里袤延將彙爲成書以鉤覈其實伏惟

九重宵旰之勤其加意於輿經地諫者若是乎其重且詳也衢之爲郡居全浙上游所襟帶所控引勢常及於千里而遠其間山川之秀產殖之饒文獻之所留遺

真靈之所窟宅夙號爲東南名勝之壤而顧或載紀
不存編纂失次吏斯土者其何以周知險易疾苦而
仰稱

聖朝同文同軌之盛治乎遊服官三十年所至必徵其旁
近郡邑之志篋而藏之以備覽索旣遷東浙問志於
衢掾胥以舊志進則幾漶漫不可率讀蓋自季明迄
今皆因循故冊以作羔雁之具文莫有能起而整輯
之者以故近時之政事因革人物盛衰皆闕然莫考
又其文不雅馴每條以數駢語綴其前而於義無取

志體又不宜爾余爲慨然嘆興者久之己丑歲臘余奉檄攝守來衢適前守武進

楊君已有重修府志之役將次竣功而屬余以未竟之緒余得而閱之其排次條目援据舊聞決擇頗能簡核而

鼎建以來中間更厯寇亂漸次蕩除復生息休養數十年之事迹亦約畧可觀雖於古史材之文筆持論未知何如第較之故冊所云則已赫然改觀矣余正嘉楊君之能勤是役而又自幸得襄成事以列名其間

爰爲校勘數過鳩資趣工俾速斷手而衢於是乎有
完志云余又竊惟衢雖望郡民俗如今日不可謂不
庶且饒然於上下之間多有難爲焉子不云乎君子
學道則愛人小人學道則易使也今衢之生徒另列
戶版而興訟逋糧之習時出其中民之獷而黠者亦
輒相倚依以扞文網其隸胥顛不土著率跛軌如一
不中使令彼視長吏如置奕綦然休戚不一關其慮
欲誨而化之蓋綦難也又曩時荒逋之後按畝加額
土縮而稅浮良戶不勝其累而積荒彌望有力者恣

意占墾動成阡陌曾無毫毛之入以佐正供此積困
之在民者而常山開化爲甚山源深窅林箐險密有
靛麻紙鐵之利爲江閩流戶蓬羅踞者在在而滿或
蠶飛而集獸駭而散叢姦府患不可爬梳此隱憂在
上者而西安龍游爲急是皆關志體之至大而勢不
可以須臾苟讀志而弗留意於是弗有以區畫之則
志完無庸也余扞事日淺無能爲衢郡計久遠之利
害然蒿目鉅心不敢遽默爾以去故因序郡志而附
陳之於簡未以俟後之領是邦者

康熙歲在庚寅閏七月上浣

誥授奉政大夫台州府清軍驛傳海防總捕同知加三級
署衢州府事三韓馬遜撰

docsriver 文川网
入驻商家 古籍书城

在文川网搜索古籍书城 获取更多电子书

光緒八年壬午重刊衢州府志銜名

總刊校

在任儘先補用道衢州府知府劉國光

安陸

督刊

衢州府照

磨張鑄秋

嘉應

繪校

候補府照

磨姜超伯

六合

詳校

候補縣

丞汪文濶

婺源

卷之九

八

旗

教

習何子誠

安陸

廩

生劉玉光

安陸

校對

候

補

典

史姚

溶

清河

候

補

未

入

流向文煥

華陽

候

補

驛

丞張道錦

黃陂

湖南

候

補

同

知劉明翰

安陸